

Wolayta - Xoossaa - Lust Scriptures

Kessaabaa 15:9 "Morkkee ceeqettiiddi, 'Taani eta yedettada oiqqana. Taani eta aquwaa shaakkada, ta koyidobaa ubbaa ekkana. Taani ta bisuwaa shoddada, eta xaissana' yaagidi ceeqettiis.

Kessaabaa 18:21 Qassi asaa ubbaa giddon danddayiya asata, Xoossaayyo yayyiyaageeta, ammanettidaageetanne mattaayiyaa miyoogaa ixxiyaageeta doora. Doorada etappe asaayyo shaalaqata, mato halaqata, hamssaalaqatanne assiraalaqata oottada suntta.

Kessaabaa 20:14 "SHAaramuxoppa.

Kessaabaa 20:17 "Ne shooruwaa keetaa amottoppa; ne shooruwaa keettaayyiyo, woikko a ashkkaraa, woikko a ashkkariyo, woikko a booraa, woikko a hariyaa, woikko ayyo de7iyaabaa aibanne amottoppa" yaagiis.

Qoodaabaa 11:4 Israaeelatuura de7iya dumma dumma dere asai hara qumaa keehi amottiis. Israaeela asaikka qassi hagaadan yaagidi yeehuwaa doommiis; "Laa nuuni asho auppe demmanee?

Zaarettido Wogaa 5:21 "Ne shooruwaa machchiyo amottoppa; a keetaa, a shooqaa, a attuma askkaraa, woikko a macca ashkkariyo, woikko a booraa, woikko a hariyaa, woikko ayyo de7iyaabaa aibanne amottoppa' yaagiis.

Zaarettido Wogaa 12:20 "I intteyyo gelido qaalaadan GODAI intte Xoossai intte zawaa aassiyo wode, inttena ashuwaa maanau koshshiyo wode, intte koyido keenaa miite.

Zaarettido Wogaa 22:22 "Ai asinne hara asa maccaasaara shaaramuxiiddi ohettikko, ikka aara shaaramuxida maccaasiyaakka haiqqona. Hegaadan oottidi, intte giddoppe iitaa diggite.

Yaasu 7:21 nuuni omooddido miishshaa giddon taani issi lo77iya Baabiloone biittaa kaabbaa, naau xeetu xaqara biraanne bagga kilo gidiya worqqaas; beadas; beada ekkanaa amottido gishshau ekkaas. Yaatada ta dunkkaaniyaa giddon biitta garssan qottaas; biraikka ubbaappe garssaara de7ees" yaagiis.

Mazamure 10:3 He iitai ba wozanaa iita amuwan ceeqettees; yorai GODAA qanggeesinne kaddees.

Mazamure 78:18 Bantta amottido qumaa oichchiyoogan Xoossaa eriiddi paaccidosona.

Mazamure 78:30 SHin eti bantta amottido ashuwaa kallennan deishin, ashoi etau biron doonan deishin,

Mazamure 81:12 Hegaa gishshau, taani eti bantta qofaa kaallana mala, eenenna wozanaayyo aattada immaas.

Mazamure 106:14 Bazzon de7iiddi, eti qumaa daroppe amottidosona; qassi Xoossaa paaccidosona.

Mazamure 119:36 Ta wozanaa miishshaakko gidennan, neeni yootidobaakkko zaara.

Leemiso 1:19 Geniyan goaa demmiya ubbatu wurssetta hegaa mala; he aawu shemppuwaa ekkees.

Leemiso 6:25 I puulaa ne wozanan qaaqqatoppa; i qimotankka omoodettoppa.

Leemiso 15:27 Wordduwan woriyaa demmanau jaamiya asi ba so asaa bolli metuwaa ehees; shin mattaayiyyaa ixxiya asi paxa deana.

Leemiso 21:25,26 Azallaa amoi worees; aissi giikko, i oottanau koyenna. 26 Azallai gallassa kumettaa darobaa demmanau amottes; shin xilloi bau ashshennan immees.

Leemiso 28:16 Wozani paccido daannai ba asaa naaqees; shin asa naaqqiyoga ixxiyaagee daro laittaa haarana.

Isiyaasa 56:11 Eti daro yiqetiya kana mala; miidi kalli erokkona. Eti akeeki paccido henttanchcha; eti ubbai bantta ogiyya ogiyya simmidosona; ubbaikka bantta goa xallaa koyoosona.

Isiyaasa 57:17 Eta nagaraa gaasuwaaninne eta yaariyya gaasawan, taani eta hanqettaas. Hanqettada eta shocas; ta sinttaakka etappe genttaas. SHin eti haikka simmidi, bantta wozanaa qofan biidosona.

Ermmaasa 6:13 Qassikka GODAI hagaadan yaagees; "Guuttaikka gitakka ubbai woriyaa maanau yiqetees. Hananabaa yootiyaageetikka qeesetikka ubbai asa cimmoosona.

Ermmaasa 22:17 SHin harabaa aggidi, ne aifeenne ne wozanai jaamiyoogee ne goaa demmanaassanne xillo suuttaa gussanaassa, asa suganaassanne huqqunnanaassa.

Ermmaasa 51:13 Baabiloonee daro shaafatinne daro aqoi kumido biitta; shin a wurssetta gakkiis; a deuwaa turaiika duuxxiis.

Hizqqeela 6:9 Kessi ekkidi attidaageeti yan omooduwan deana. Yan de7iyo wode, eti tana hassayana; qassi eeqau goinniyoogaaninne iitaa oottiyoogan eti tana azzanissidoogaa akeekana. Eti bantta oottido iita oosuwaappenne eta yeellayiya hanotaappe dendidaagan, bantarkka bantana shenetana.

Hizqqeela 14:4,5 Hegaa gishshau, neeni etayyo hagaadan yaagada yoota; 'Ubbaa Haariya GODAI hagaadan yaagees; "Israaeela asaappe ooninne eeqaa ba wozanan wottikko, a nagarai ayyo xubbiya shuchcha mala gidikko, qassi hananabaa yootiyaagaakko i biikko, taani GODAI ta huuphen a eeqatu coratettaadan ayyo zaarana. 5 He eeqati ubbatu Israaeela asaa taappe wora zaaridosona; shin hai taani etayyo immiyo zaaruwan eta wozanaa taakko zaarana" yaagees' yaaga.

Hizqqeela 22:12 Ne giddon de7iyaageetuppe issooti issooti miishshaa ekkidi, shemppuwaa woroosona; haraati bantta miishshaa dichchau immoosonanne, bantta shooruwaa miishshaa yashissidi ekkoosona. Qassi intte tana mulekka dogideta. Taani Ubbaa Haariya GODAI hagaa odais.

Hizqqeela 33:31 Eti kase asai yiyoogaadan neekko yoosona; ta asaadan ne sinttan uttoosona; neeni odiyoogaakkka siyoosona; shin oottokkona. Eti siiqobaa haasayoosona; shin eta wozanai goa xalaalau yaaretees.

Hoosea 4:12 Ta asai mittaappe oosettida eeqa misiliyaa zoriyaa oichchees; eta gatimai eta oishaa zaarees. SHaramuxa ayyaanai eta balettiis; eti bantta Xoossaappe shaahettidi shaaramuxidosona.

Hoosea 5:4 Israaeela asai bantta Xoossaakko simmennaadan, eta iita oosoi eta teqqiis; shaaramuxa ayyaanai eta giddon de7ees. Hegaa gishshau, eti GODAA erokkona.

Mikiyaasa 2:2 Eti goshsha gadiyaa amottikko, asabaa wolqqan ekki aggoosona; keettata koyikkokka ekki aggoosona. Asa maataa yedhdhidi, a laataa coo bonqquoosona.

Naahooma 3:4 Hagee ubbai hanidoogee puulanchcha gidida Nanawi shaaramuxaa gaasuwaana. A daro murunnuwaa oottausu; kawotettata ba shaaramuxan, asaakka ba murunnuwan ailleyaasu.

Imbbaaqooma 2:9 "Metoi nena gakkennaadan, ne keettaa xoqqa sohuwan keexxanau sugettani miishshaa shiishshiyaagoo, neeyyo aayyeana!

Maatiyoosa 5:28 SHin taani intteyyo odais; maccaaro xeellidi amottiya ubbai, ba wozana giddon he wode iira shaaramuxiis.

Marqquoosa 4:19 SHin ha sa7aa deuwau hirggiyoogee duretettaa siiqiyoogeenne harabaa amottiyoogee eta wozanan gelidi, qaalaa cuulles; cuullin aifennan atti aggees.

Marqquoosa 7:22 duretettaa amottiyoogaa, iitatettaa, geniyaa, amottiyoogaa, qanaatiyoogaa, cashshaa, ayyuwaa, azallatettaa.

Luqaasa 3:14 Wotaaddarati, "Qassi nuuni ai oottanee?" yaagidi a oichchidosona. Oichchin, "Wolqqan dafidi, woi wordduwan mootidi, ooppenne miishsha ekkoppite. Intte damoozai intteyyo gidana yaagidi, ufaittidi deite" yaagiis.

Luqaasa 12:15 Qassi eta, "Asassi daro miishshai deikkokka, a shemppoi he duretettan deenna gishshau naagettite; duretetta amo ubbaappekka inttena naagite" yaagiis.

Luqaasa 16:14 Miishsha dosiya Parisaaweti hegaa ubbaa siyidi, Yesuusa bolli qilliiccidosona.

Yohaannisa 8:44 Intte intte aawaa xalahe halaqaa naata; qassi intte intte aawai amottiyoobaa oottanau koyeeta. I kaseppe doommidi, shemppo wordidaagaa; tumatetti aani bainna gishshau, tumatettaakko shiiqi erenna. I wordduwaa haasayiyo wode, baappe haasayees; aissi giikko, i

worddanchchanne qassi wordduwaukka aawa.

Yesuusi Kiittidoogeetu Oosuwaa 20:33 “Taani ooppenne bira woi worqqa woi afala amottabeikke;

Roome 1:24-29 Hegaa gishshau, eti issoi issuwaara borssobaa oottana mala, Xoossai eta wozanai amottiyo tunabaa oottanau eta yeggi bayiis. 25 Aissi giikko, eti Xoossaa tumatettaa wordduwan laammidosona; qassi medhdhida Xoossaa aggi bayidi, i medhdhidobau goinnidosonanne oottidosona. Xoossai merinau galatettidaagaa. Amini. 26 Hegaa gishshau, Xoossai eti borssobaa amottana mala, eta yeggi bayiis; harai atto eta maccaasai banttau bessiyaabaa aggidi, bessennabaa hanidosona. 27 Hegaadankka, attumaasai qassi bau bessiyogaadan maccaasaara gaittiyoogaa aggidi, issoi issuwaara gaittanau qaaqqatidosona; attumaasai issoi issuwaara borssobaa oottidi, bantta oottido balan banttau bessiya pirdaa ekkidosona. 28 Eti Xoossaa eranau dosennan ixxidoogaa keenaa Xoossai eti bessennabaa oottana mala, etau pattenna qofaa immiis. 29 Etan geellatettai, iitatettai, yiiqueenne iita hanotai kumiis; qassi etan qanaatee, shemppo woriyo qofai, palami, cimoinne iita qofai kumiis; qassi eti soqiyaageeta,

Roome 6:12 Hegaa gishshau, intte intte asatettaa amuwau azazettana mala, nagarai haiqqiya intte asatettaa haaroppo.

Roome 7:7 Yaatin, nuuni woiganee? Higgee ba huuphen nagaree? Mulekka gidenna; shin higgee nagari aibakko tana erissiis. Aissi giikko, taani higgee, “Asabaa amottoppa” geennaakko, asabaa amottiyoogee aibakko erikke.

Roome 13:9,14 “**SHaaramuxoppa; woroppa; wuuqqoppa; asabaa amottoppa**” giya azazotinne hara azazo ubbati, “Ne shooruwa ne huuphedan siiqa” giya azazuwan kuuyettoosona. 14 SHin Godaa Yesuus Kiristtoosa tooraa gonddalliyya oiqqite; intte nagaranchcha asatettai ba wozanaa amuwaa polanaadan, au qoppoppite.

1 Kiro Qorontoosa 5:10,11 Taani giyoogee ha sa7an de7iya shaaramuxana qaaqqatiyaageetanne woi miishsha amottiyaageeta, bonqqiyaageetanne woi eeqassi goinniyaageeta ubbaakka gidenna. Hegaa gidikko, sa7aappe intte kichchanau bessees. 11 SHin ishantta hai geetettiyaageetuppe issoinne shaaramuxana qaaqqatiyaagaa woi miishshaa amottiyaagaa woi eeqassi goinniyaagaa woi cayiyaagaa woi mattottiyaagaa woi bonqqiyaagaa gidikko, intte aara issippe gaittenna mala, taani inttessi xaafaas. Hegaa malaara harai atto, qumaakka mooppite.

1 Kiro Qorontoosa 6:9,10 Woi makkalanchchati Xoossaa kawotettaa laattennaagaa erekketii? Baloppite. SHaaramuxana qaaqqatiyaageeti woi eeqassi goinniyaageeti woi shaaramuxiyaageeti woi attumaasa gidiiddi, attumaasaara shaaramuxiyaageeti, 10 woi kaisoti woi miishshaa

amottiyaageeti woi mattottiyaageeti woi cayiyaageeti woi bonqqiyaageeti Xoossaa kawotettaa laattokkona.

1 Kiro Qoronttoosa 10:6 Eti iitabaa amottidoogaadan, nuunikka qassi iitabaa amottennaadan, hegee ubbai nuussi leemiso gidiis.

1 Kiro Qoronttoosa 12:31 SHin ubbaappe aadhdhiya imucaa minttidi koyite. Qassi ubbaappe keehi aadhdhiya ogiyaa taani inttena bessana.

1 Kiro Qoronttoosa 14:39 Hegaa gishshau, ta ishatoo, hananabaa yootanau minttidi amottite. Qassi dumma dumma qaalan haasayiyoogaakka diggoppite.

2 Naaantto Qoronttoosa 9:5 Hegaa gishshau, taani ha ishantti taappe sinttatidi inttekko biidi, intte immana giido imucaa kasetidi giigissana mala, eta woossanau koshshiyogaa akeekas. Hegaappe guyyian, he imoi taani gakkiyo wode giigi uttana; hegee qassi wolqan intte immiyoogaa gidennan, dosidi immiyoogaa erissana.

Galaatiyaa 5:16-21 SHin siyite; Xoossaa Ayyaanai inttena kaalettiyaabaa gidikko, intte asatettaa amucaa mulekka polekketa. 17 Aissi giikko, nu asatettai amottiyoobaa Geeshsha Ayyaanai ixxees; qassi Geeshsha Ayyaanai amottiyoobaa nu asatettai ixxees; hageeti issoi issuwaara ixettoosona. Hegaa gishshau, intte dosiyoobaa oottanau danddayekketa. 18 SHin Xoossaa Ayyaanai inttena kaalettiyaabaa gidikko, higgee inttena haareenna. 19 Asatettaa oosoi erttidaagaa; ikka aibee giikko, shaaramuxiyoogaa, tunatettaa, yeellaa xayiyoogaa, 20 Eeqau goinniyoogaa, bitiyoogaa, morkketettaa, palamaa, qanaatiyoogaa, hanqquwaa, bana xoqqissiyoogaa, ooyettiyoogaa, issoi issuwaappe shaahettiyoogaa, 21 miqqainniyoogaa, woriyoogaa, mattottiyoogaa, yettanchcha kiyiyoogaanne hageeta milatiyaageeta.

Galaatiyaa 5:24 Kiristtoos Yesuusabaa gidiyaageeti bantta asatettaa a iita qofaaranne a amuwaara issippe masqqaliyaa bollan misimaariyan xishidi kaqqidosona.

Efisoona 2:1-3 Intte azazettennan ixxido gishshaunne intte nagaraa gishshau, kase wodiyen ayyana haiquwaa haiqqideta. 2 He wode intte ha sa7aa iita ogiyaa hemettideta; carkkuwaa giddon de7iya wolqqaama ayyaanatu halaqaayyo qassi Xoossaayyo azazettenna asaa hai haariya ayyanaayyo azazettideta. 3 Nuunikka qassi ubbai he asaa mala; qassi nuuni nu meretettaa amuwaadan deida; nu asatettainne nu wozanai koyidobaa oottida. Nuunikka haratuugaadan, nu meretan Xoossaa hanqquwaa ekkanau deoos.

Efisoona 4:19 Eta matan yeella giyoobi baawa; eti shaaramuxettiyo qaaqqau bantta huuphiyaa aatti immoosona; qassi tunabaa ubbaa paci bainnan oottoosona.

Efisoona 4:22-27 Intte kase de7iyo deuwaa aggit; qassi ba cimmiya amuwan

xayiya intte ceega asatettaa xaissite. 23 Intte wozanainne qofai muleera ooraxxanau bessees. 24 Tumu xillotettaaninne geeshshatettan Xoossaa leemisuwan merettida ooratta asatettaa maayite. 25 Simmi worddotoppite. Nuuni ubbai Kiristtoosa asatettan issi asa gidiyo gishshau, asai ubbai ba ishau tumaa haasayanau bessees. 26 Hanqgettite; shin intte hanqquwan nagaraa oottoppite. Intte hanqgetti uttidaashin, awai wulloppo. 27 Xalahe halaqaayyo soho immoppite.

Efisoona 5:3,5 SHin geeshshatuyyo bessiyaagaadan, intte giddon shaaramuxiyoogeenne tunatetta ubbai, woi miishsha amottiyoogee mulekka siyettoppo. 5 Hagaa erite; ooninne shaaramuxiyaagaa woi tunabaa oottiyaagaa, woi miishsha amottiyaagaa gidikko, Kiristtoosa kawotettaanne Xoossaa kawotettaa laattanau danidayenna; miishsha amottiyoogee eeqau goinniyoogaappe dummatenna.

Qolasiyaasa 3:5 Hegaa gishshau, inttenan de7iya ha sa7aa amota worite; hegeetikka shaaramuxiyoogaa, tunatetta, shaaramuxanau koyiyoogaa, iita amuwaa, miishsha amottiyoogaa. Miishsha amottiyoogee eeqau goinniyoogaappe dummatenna.

1 Kiro Tasalonqqe 2:5 Nuuni inttekko cimo haasayaara yibeennaagaa, woikko nuuni uuzettiyoogaa genttiya haasayaa haasayibeennaagaa intte loitti ereeta; Xoossaikka nuuyyo markka.

1 Kiro Tasalonqqe 4:3-7 Aissi giikko, Xoossai intteppe koyiyoogee aibee giikko, intte geeshsha gidanaagaanne shaaramuxiyoogaa muleera agganaagaa koyees. 4 Intte ubbai huuphen huuphen geeshshatettaaninne bonchchuwan machcho waati ekkiyaakko eranau besseesippe attin, 5 Xoossaa erenna ammanenna asatudan, keehi amottiyoogan ekkanaau bessenna. 6 Nuuni qassi kase intteyyo yootidoogaadaaninne inttena mintti zoridoogaadan, Godai hagaa malaban ubban halo kessiyaagaa gidiyo gishshau, ooninne ha yohuwan ba ishaa naaqqanaunne cimmanau bessenna. 7 Aissi giikko, Xoossai nuna geeshshatettan deanau xeesidoogaappe attin, tunatettan deanau xeesibeenna.

1 Kiro Ximootiyoosa 3:3,8 mattottennaagaa, ashkketettappe attin oyettennaagaa, palamettennaagaa, miishsha siiqennaagaa, 8 Hegaadan qassi woosa keettan oottiyaageeti cincata, naa77a haasayennaageeta, daro woiniyaa eessaa uyennaageeta, yaaretennaageeta,

1 Kiro Ximootiyoosa 6:9,10 SHin duretanau koyiayaageeti paaciyaaninne piriyan geloosona; qassi daro asaa bashshaunne xayuwau goochchi efiya daro eeyyanne qohiya amuwaa kunddoosona. 10 Aissi giikko, miishsha siiqiyoogee iitatetta ubbau pultto. Issooti issooti hegaa amottiiddi, ammanuwaappe balettidi, daro metuwan bantana qohidosona.

2 Naaantto Ximootiyoosa 2:22 SHin neeni iita wodallatetta amuwaappe baqata. Bantana maaddanau geeshsha wozanaappe Godaa

xeesiyaageetuura issippe, xillotettsa, ammanuwaa, siiqotettaanne sarotettaa minttada kaalla.

2 Naaantto Ximootiyoosa 3:2,6/7 Aissi giikko, asati banttana siiqiyaageeta, miishshaa siiqiyaageeta, ceeqettiyaageeta, ayyiyaageeta, cayiyaageeta, banttana yelidaageetuyyo azazettennaageeta, galatennaageeta, geeshshatetti bainnaageeta, 6/7 Aissi giikko, etappe issoi issoi asa keetta gelidi, nagarai deexxidoogeeta, dumma dumma amuwan sugettiyaageeta, ubba wode tamaaridi, tumatettaa eratettaa ekkanaau mule danndayibeenna daafuranchcha maccaasata godatoosona.

2 Naaantto Ximootiyoosa 4:3 Aissi giikko, asai tumu timirrtiyyaa eggennan ixxiyo wodee yaana. SHin asai bantta amuwaan kaallidi, siyanau ufaissiyaabaa yootiya tamaarissiyaageeta gujji gujji shiishhana.

Tiitu 2:12 He aaro kehatettai nagara oosuwaanne ha sa7aa amuwaan nuuni agganaadaaninne nu huuphiyaa naagidi, ha sa7an Xoossaa milatidi, xillotettan deanaadan, nuna tamaarisseees.

Tiitu 3:3 Aissi giikko, nuuni kase nu huuphenkka eeyyata, azazettennaageeta, baliyaageetanne amossilne dumma dumma ufaissaassi ailledan haarettiyaageeta; qassi iitatettaaninne qanaatiyan de7iyaageeta; asan ixettiyaageetanne issoi issuwaakka ixxiyaageeta.

Ibraawe 13:5 Miishsha siiqoppe inttene naagite; intteyyo de7iyaagee intteyyo gido. Aissi giikko, Xoossai ba huuphen, Taani nena mulekka yeggikke woikko aggikke" yaagiis.

Yaaqooba 1:14,15 SHin asi huuphiyan huuphiyan ba huuphe iita amuwan gooshettiyo wodenne cimettiyo wode paacettees. 15 Hegaappe guyyiyian, amoi shahaaridi, nagaraa yelees; qassi nagarai diccidi, haiquwaa yelees.

Yaaqooba 4:1-5 Olinne ooshshi intte giddo auppe yii? Eti yiidosai intte bolla giddon olettiya intte ufaittanau gita amuwaan amottiyoogaappe gidennee?
2 Intte amotteeta; shin demmekketa; hegaa gishshau woreeta. Mintti koyeeta; shin demmanau danndayekketa; hegaa gishshau, ooyetteetanne oletteeta. SHin Xoossaa woossenna gishshau, intte koyyoobaa demmekketa. 3 Xoossaa intte woossiyo wode, intte amuwaan polanau woosseeta; qassi intte qofai iita gidiyo gishshau demmekketa. 4 Simmi shaaramuxiyaageetoo, ha sa7aara dabbotyoogee Xoossaayyo ixo gidiyoogaa erekketii? Aissi giikko, ha sa7aara dabbotana koyiyai ooninne Xoossaara morkkettees. 5 Woi Xoossaa maxaafai, "Xoossai nunan wottido Ayyaanai wolqqaama amuwaan amottes" giyoogaa intteyyo coo giyoobaa milatii?

1 Kiro Pheexiroosa 1:14 Xoossau azazettite; intte kase erennan amottido amuwaan kaaloppite.

1 Kiro Pheexiroosa 2:11 Ta dabbotoo, intte ha sa7an imattanne yedettin asasan de7iyaageeta gididoogaadan, ubba wode intte shemppuwaara

olettiya asatettaa amuwaappe intte haakkana mala, taani inttena woossais.

- 1 Kiro Pheexiroosa 4:2-4 Hagaappe sinttan, ha sa7an shemppoora deanaau attida wodiyen, Xoossai koyiyogaadan deanaau bessiyoogaappe attin, asa amodan deanaau bessenna. 3 Aissi giikko, Aihuda gidenna asai oottanau dosiyoogaa intte oottiiddi, shaaramuxanau qaaqqatiyoogan, amuwan, mattuwan, yettan, ushshan, pokkiya eeqau goinniyoogan, deido kase aadhdhida wodee intteyyo gidana. 4 Aihuda gidenna asaara intte shori bainna oosuwaa issippe ootenna gishshau garamettidi, inttena cayoosona.**
- 2 Naaantto Pheexiroosa 1:4 Intte a imuwaan baggaara sa7an de7iya bashshiya amuwaappe kessi ekkanaadaaninne Xoossaan xoossatettaa laattanaadan, i ba immana giido daro wolqqaamanne alo imuwaan nuuyyo immiis.**
- 2 Naaantto Pheexiroosa 2:3 Wordduwaa tamaarissiya hegeeti miishshau yaaretiyoogan bantta medhdhi ekkido haisyan inttena bonqqana; beniisappe doommidi, eta pirddai giigi uttiis; eta xaissiyaagee beegottidi naagees.**
- 2 Naaantto Pheexiroosa 2:9-19 Hegaa gidikko, Godai Xoossau goinniya asata paaciyaappe waati ashshanaakko erees; nagaranchchata qassi ubbaappe aattidi, tuna amuwan ashuwaa amuwaan kaalliyageetanne qassi Xoossaan wolqqaan kariyaageeta, pirdaa gallassai gakkanaassi Godai qaxxayiiddi wottanaagaakka erees. Wordduwaa tamaarissiya hegeeti xalanne otoranchcha gididoongan, bollan de7iya bonchcho meretaa cayoosonappe attin, bonchchokkona. 11 He asatuppe daro minonne wolqqaama gidiya kiitanchchatikka bollan de7iya bonchcho meretaa Godaa sinttan cashshan mootanau koyokkona. 12 SHin he asati ohettidi xayanaa yelettida bantta meretan wozanai bainna woraa doatudan hanoosona; eti erennabaa cayoosona; qassi woraa doadan, eti coo xayana. 13 Eti bantta medhdhido metuwan metootana; gallassi yexxidi duriyoogaa ufaissiyaabaa giidi qoppoosona; eti kaushshatanne tunata gidi uttidi, inttenaara miyo qumaa meettan ufaittoosona. 14 Shaaramuxa maccaasaa xeelliyoogaa aggenna aifee etau de7ees; qassi nagara oottiyogaakka aggokkona. Ammanuwan minnibeenna asaa cimmoosona. Amuwaara meezeetida wozanai etau de7ees; eti qanggettidaageeta. 15 Sitta ogiyyaa aggidi balidosona. Bi7oora na7aa Balaama ogiyyaara biidosona; Balaami makkalan miishshaa ekkanaau koyiis. 16 I hananabaa yootiyaagaa; shin a nagaraa gishshau, a haree asadan haasayan seeridi, a gooshsha mala hanuwaappe a teqqiis. 17 He asati meliichchida pultuwaa mala; qassi gotee tookkidi efiyo shaaraa mala; Xoossai etau sakkana xumaa giigissi uttiis. 18 Aissi giikko, eti hadanne otoro haasayaas hasayoosona; balan de7iya asaappe kessi**

ekkiyaageeta shaaramuxanau qaaqqatiyo amuwan cimmoosona. 19 Eti banttau bashsha amuwaara de7iiddi eta, “Intte aillettetaappe kiyana” yaagoosona; aissi giikko, issi asi bana xoonidabau aibaunne aille.

2 Naaantto Pheexiroosa 3:3 Wodiyaa wursettan, asa toochchiya bantta amuwaadan de7iyaageeti asa toochchiiddi denddanaagaa ubbaappe kasetidi erite.

1 Kiro Yohaannisa 2:15-17 Ha sa7aa woi sa7an de7iya aibanne siiqoppite.

Intte ha sa7aa siiqikko, Xoossa siiqoi inttenan baawa. 16 Aissi giikko, ha sa7an de7iya ubbabai, hegeekka: asatettsa amoi, aifen xeellidi qaaqqatiyoogeenne miishshan ceeqettiyoogee ha sa7aappe yiidoogaappe attin, Xoossaappe yibeenna. 17 Ha sa7ainne ha sa7an asi amottiyo ubbabai aadhdhana. SHin Xoossai yiidoogaa oottiya urai merinau deana.

Yihudaa 1:11 Etau aayyeana! Aissi giikko, eti Qaayeeli hemettido ogiaya hemettidosona. Miishsha gishshau giidi, Balaami oottidoogaa mala mooruwaa oottidosona. Qassi Qore giyo bitanee “Ixxaas” giidi xayidoogaadan, etikka “Ixxida” giidi xayidosona.

Yihudaa 1:14-19 Heenooki Addaameppe doommin, laappuntta yeleta gidiyaagee, daro wodeppe kase etabaa hananabaa yootiiddi, hagaadan yaagiis; “Akekite, Xoossa erenna nagaranchcha asati oottido iita ooso ubbaunne qassi Xoossa erenna he iita asati Xoossa bolli haasayido iita haasaya ubbau, Godai eta ubbaa bolli pirddanau, ba daro shau geeshshatuura issippe yaana” yaagiis. 16 He asati ubba wode zuuzummoosonanne harata amassaloosona; qassi bantta iita amuwaa kaalloosona; bantta huuphiyau goa demmanau harata sabboosonanne bantta qaalaa wogaappe aattidi, xoqqu ootti haasayoosona. 17 SHin ta dabbotoo, nu Godaa Yesuus Kiristtoosi kiittidoogeeti intteyyo beni haasayido qaalaa akekite. 18 Eti intteyyo, “Wurssettaa wodiyan, bantta Xoossi bainna amuwaa kaalliyageeti, qassi intte bolli qilliicciyaageeti yaana” yaagidosona. 19 Hegeeti asaa giddon shaahotettaa medhdhiyaageetanne, bantta iita amuwau haarettidaageeta, qassi Geeshsha Ayyaanai bainnaageeta.

Ajuutaa 18:14 Zalanchhati mishireeyyo, “Neeni amottido loobai ubbai neeppe haliichchiis. Ne aqoinne alleeqettiyoobai ubbai xayiichchiis. Neeni naa77antto eta mulekka demmakka” yaagidosona.